

宋詩紀事補遺

宋詩紀事補遺卷之二十四

歸安陸心源伯剛父輯

施常

尤溪人元豐二年進士永福縣令

三聖殿

白雲來去自閑閑鎖斷千山與萬山仙客已歸霄漢  
去虛堂流水漫潺潺

步盡千山與萬山白雲步處叩禪關曉猿夜鶴應相

笑笑問勞生幾度閑

三山志

時彥

字邦美開封人元豐二年進士第一人元祐中  
通直郎兵部員外郎集賢校理祕閣校理河東  
轉運使崇寧間知廣州充廣東兵馬都鈐轄兼  
安撫經畧使餘見宋史本傳

留題南山

青松夾道英州路終日千巖萬壑間唯是看山心不  
足又攜兵妓看南山

廣東通志  
金石畧

陳瓘

厲有

答瑞巖湛老

示我超然句能令滯念開盍移瑞巖刹爲我入城來

和鄧鰈之韵

十三年謫海邊州洛口相望阻獻酬  
曾寄遠詩來合浦又傳新句落丹邱  
身如古柏童童老心似平江湛湛流  
歸鳥倦飛雲入岫一瓢堪樂莫回頭

天台別編

垂虹亭

三年爲吏住江濱重到江頭照病身  
滿眼碧波輪野鳥一蓑疎雨屬詩人  
隨船曉月孤輪白入坐羣山數點春  
張翰英靈應笑我綠袍依舊惹埃塵

吳郡文粹續集

和江民表韵

傅老東山水上浮玄沙六月雪重裘舊來消息今何

在千里桐江月滿樓

嚴陵集

藏春峽 四首

主人心地冷如灰只把園花取次栽  
峽外漫多閒雨露直須併此入山來

花落花開蝶自忙琴閒書札日偏長  
我來不爲看桃李只愛幽蘭靜更香

朝廷鵷鷺日振振不道天涯亦有人  
弟勸兄酌無可恨歡然別是一家春

孺子無心作聘君使君懸榻意何勤  
世人不道芳蓀好可是清香不遠聞

南平縣志

王沔之

常山人元豐二年監東作坊門河南左軍巡判  
官見長編三百一卷

劉阮洞

流傳晨肇隱無蹤搜發仙源屬鄭公百尺靈泉清澈  
底千尋蒼玉勢凌空飄香故跡人雖到採藥巔崖路  
不通二女深沈斷消息桃花依舊笑春風

天台續集

龐元英

字懋賢單州人丞相籍之子元豐二年羣牧判  
官都官郎中五年爲主客郎中元祐三年中散

大夫鴻臚少卿知晉州撰文昌雜錄四卷見通鑑長編

夜宿垂虹亭舟中有感而作

離家無數里客思便侵凌久撥爐無力頻翻被有稜孤蟾如得伴哀雁擬傷矰怪底寒清冽推蓬露氣凝

吳郡文粹續集

賈青

字春卿韓城人昌期子累官大名通判庫部員外見文潞公集元豐二年朝奉大夫祠部郎中福建轉運使四年湖北轉運使元祐元年以違

法督責責監衡州酒稅紹聖中知蘇州見長編

釣臺

萬疊層峯夾兩溪雨餘清氣却炎暉何時學得嚴陵  
傲先盡塵襟臥釣磯

嚴陵集

黯淡院

溪聲灘外急草色雨中深客意自南北山光無古今  
真地紀勝

唐最

字夢得福建懷安人元豐二年進士終朝口大  
夫



安適軒

臥聽潮音坐看山煙蘿靜處閉禪關都將物外紅塵  
隔占得壺中白日閑吟罷寒猿號木末定同清磬落  
雲間高僧隱几無餘事應笑勞生去又還

三山志

陳情

字君美建安浦城人元豐二年朝散大夫直集  
賢院度支郎中爲廣西轉運使

眞仙巖二首

神仙遺像出天然造化胚渾豈易言訪古尋幽空  
意白頭軒冕戀君恩

鹿龍高躡九霄難共駕仙車去不還遺跡至今空有  
檜不知蟬脫此山間

廣西通志山川

### 曾公巖

源流承襲孔門賢姓氏今題洞穴間傳說功高傳巖  
野謝安名著謝公山激泉救旱爲霖雨磨石書勦破  
海蠻應共白雲同一意帝鄉歸去未能還

廣西通志金石

### 老君巖和劉誼韵

白石天然肖老君泉聲如誦五千言虛無妙道無人  
繼却使浮屠冒寵恩

尹喜當年共出關流沙一去未嘗還必應精爽游南

越變現形儀洞穴間

鄭至道

至道字保衡福建莆田人元豐三年進士  
天台樂昌二縣著有琴堂論俗編錦囊四集

劉阮洞

採藥歸來世代賒洞門方此掃煙霞  
碧潭清泚弄明月翠巘高低飄落花  
芳草已迷當日路白雲空想舊人家  
自慙不是浮觴侶謾向山前醉帽斜

天台續集

家彬

字中孺見范太史集  
眉山人元豐三年進士哲

宗朝爲尙書吏部郎中六持使節贈銀青光祿  
大夫見鶴山集家炎墓誌銘有學行爲士林所  
尙見呂陶淨德集家定國墓誌

題南龕寺

品下梗楠秋復春當年觴詠悉名臣舊遊已去成陳  
迹佳句還如見古人

極目江山依夕照回頭城市隔囂塵登臨未久還西  
去堪愧芸夫每問津

金石苑

張莊

應天府人元豐三年進士累官集英殿修撰知

桂州宋史有傳

陪龍圖閣直學士經畧王公老愚與提點刑  
獄劉子至提舉學士唐夢傳觀稼近郊遂過  
傲雲諸閣大觀元年五月十六日

山甫遄歸有詔期省耕聊復耀幢麾翠岑恰似千旗  
密綠野何妨萬馬馳鵬鵠精神元老貴鼎鑊功業太  
平時自惟晚進誠天幸偶附台躔每處隨

宋詩拾遺

彭構

厲有

老君巖次劉誼韵

仙馭凌雲去幾年九流空苦道家言何人懷古求遺

像巖穴長蒙雨露恩

儼然鶴髮與龍顏誰道乘風不復還渾俗何須窮變

化或來塵世或雲間

廣西通志金石

松石峯

同登雲級上危巔松石嵌崟掛晚烟好是同頭遙望

處海波如帶石如拳

三山志

姚舜諧

元豐三年以承議郎通判台州

題共樂堂

秀氣清陰日滿前仙瀛蓬閩景都全綵舟畫楫魚噴

浪綺席金爐麝吐烟懽勝更思明月夜飲酣惟恐夕  
陽天屢陪公靜遊東游常以城闕之阻爲恨也主人報政榮塗近淮浙重  
遊路接連

題東掖山承天院

面勢崔嵬插斗牛東分一掖鎮丹丘玉臺金相祖師  
會院有九祖閣泊十八羅漢堂焉寶帙琅函海藏流蒼檜茂林常蔭  
映白蓮香祖共熏修承天白蓮舊同一院紅塵斷處人難到俗  
駕經年始此遊予官此已二年今方一到天台續集

張硯

福建沙縣人祖若谷父奎硯元豐二年官國子

博士王荆公外甥見臨川集

題迎薰閣

解愠風來處朱甍起舊城條山供偃蹇鹽澤借澄泓  
龍廟疑飛出蓮宮若化成亂雲堆素彩遠溜集幽聲  
逸驥騰前路鳴鳶激去程散眸襟抱爽翹首骨毛清  
歡席多嘉客豐郊少困氓鼓琴歌渙澤擊石樂承平  
鉅輦重華榜高吟刻萃瑛雖無丹艘搆三絕足垂名

山西  
通志

郭霖

字望之臨安人元豐四年解元



送蘇錄事赴虢州

白首舊相知茅津此去時馬驕青草色柳綰綠烟絲  
落日曹瞞淚荒城號仲祠聖朝深雨澤寧必歎衰遲

西耕

鑿田喜得傍湖堤湖水春來好灌畦躬稼自名姓  
沒不妨寂寞老巖棲

繇三茅直抵紫陽觀

一上雲山思便幽長松怪石坐淹留乘風直造神仙

窟零落烟霞滿杖頭

宋詩拾遺

翁績

績福清人元豐五年進士政和末上書言遼人  
趙良嗣董才來降生邊隙請斬二人以堅遼好  
宣和初知熙州劉法伐夏敗沒童貫以捷聞績  
感憤作詩

感憤

千里寒沙遺白骨一番新鬼哭黃雲偷生同惡終相  
蔽安得忠誠達聖君

福清縣志

郭思

儀徵人元豐五年進士

劍門

斷石爲梁鐵作樞武侯於此濟師徒鞭山怒氣金鰲

伏架壑宏模玉竦攄

輿地紀勝

余深

字原仲羅源人元豐五年進士累官御史中丞  
蔡京力引擢吏部尙書轉門下侍郎加少保宣  
和元年進太宰封豐國公宋史有傳

奉和御製頒賜荔枝

結實寧辭火後山移根今照日華丹來從南海航千  
里賜比西山藥一丸封植自憐依禁籞芬芳無復耀  
幽蘭萬年枝上風光別嘗奉宣和燕暇看

奉和駕幸西池

春深瓊苑百花明，拂曉鑾輿下太清。  
綵仗六軍嚴禁衛，虹橋千步跨仙瀛。  
講脩禋事垂遊豫，欲與民心樂治平。  
扈蹕兩經來此地，獨慚衰颯玷恩榮。

奉和御製上巳日賜宴二首

晴日氛暄埽都人，被禊初湛恩施雨。  
露清宴集冠裾風，織波紋細晴牽柳。  
線舒太平多盛事，恩許樂于胥紀元。  
新厯布修禊，暮春初愷樂。傳恩聲榮光，動拜祐宸章。  
爭日麗聖澤，與陽舒欲識。天臨遠殊方，屬象育奉和御製中伏入延福宮納涼

節逢中伏許休閒  
錫宴清都絳闕間  
俯仰自驚希世遇  
低徊終愧異恩頒  
連雲竹影含風遠  
撲面荷香擁棹還  
施厚眷深知未報  
獨憐疲瘁已衰顏

春和御製睿謨殿賜宴

睿謨賜宴預英良  
翠輦鳴鞘出紫房  
閨苑羣仙環帝所  
洞庭萬橘薦秋香  
芬芳發實容饗腹  
咫尺天威許捧觴  
日暮歸來自天上  
恍然塵慮頓消忘

奉和御製御樓及睿謨殿觀燈

觚稜金碧雪消殘  
燈火東風破幕寒  
扇影開雲瞻日表  
月華如露泛仙盤  
天顏有喜同遊豫  
雅俗多歡樂

治安航海陪臣驚遠目蓬瀛今向帝城看

元宵欲近臘光殘宮殿森嚴夜氣寒金碧相輝花影  
動雲烟低覆瑞光盤臣心共慶千齡會國勢方隆九  
鼎安寶祚化成天上事恍疑身在夢中看

奉和角樓特宴

東樓預宴對天顏身世渾疑在廣寒妙舞清歌來禁  
殿江苞海錯入珍盤民心康樂時光好樂奏和平化  
國安詔許景龍歸緩轡宴罷許由景龍  
門歸馬行看燈都民竟作異  
恩看

春和御製佑神觀觀燈從駕

月華迎仗翠輿還冉冉春光暖破寒蓮炬浮雲星漢  
遠黿峯徹夜燭龍盤況逢節好民風樂自是祥多國  
祚安萬井謳歌歸聖德年年長擁路旁看

奉和御製禁苑花開社日錫宴穠華閣

蓬壺何幸又重來湛露濃恩宴喜開延福宮中聽度  
曲仙桃花下許傳盃

女杏天桃次第開宣遊叨豫賞花來飲歸帝所層城  
暮恍若鈞天一夢回

闔山縈繞鎖春風竹密花深隱映中行到來城催錫  
宴穠華西畔看繁紅

奉和御製宜召遊龍德西園

禁籞秋光覩物華  
飄然清思浩無涯  
沙邊橋下淺深水  
岸側竹間紅白花

奉和御製龍池

萬國恩波浸太平  
清風和氣入歡聲  
一詩榮遇眞千載  
共慶壬辰值此生

奉和御製重陽宴西園

黃英紫蕊映雕觴  
拂拂風生酒面光  
佳節難逢恩更厚  
坐令秋律變春陽

以上羅源縣志

耿南仲 厲有



延祥寺

羅浮仙客隱準擬訪丹臺爲身將老逢山眼倍開  
月依松上過風自竹間來僧欲延清話茶香屢撥灰

羅浮志

題丹竈四首

穉川初隱地山遂稅如城寶鼎丹何在雲衣骨亦輕  
金鼎交龍虎當年想閉扃一丸丹既就五色土猶靈  
始知勾漏地猶勝步兵營往躡今誰繼遊人空慕名  
過客空尋訪飛仙已杳冥他山多可買歸去讀黃庭

羅浮山志

徐元

歸安人元豐五年進士

題白雲軒

不作從龍意無心漫出山可憐一片雪長伴至人間

天台  
續集

孫大廉

侯官人元豐五年進士官通直郎

淨土院

流水元依澗孤雲不着山萬緣機慮斷一點淨明還  
立雪人何在啣花鳥自閒羣昏疑網破雄論落人間

白蓮開綠水佛子舊家山淨境無南北塵心有去還  
林深天籟遠風定水雲閒何日逢旌騎重來翠巘間  
天台  
續集

黃奕

建州建安人元豐五年進士○又一入淳熙中

廣西漕屬

見廣西通志金石  
臨桂水月洞題名

北樓

雷州

百尺危樓四遠明人從鰲背戲滄溟乾坤到處皆在

目山海何人更作經

輿地紀勝

張提

歸安人一作丹陽人元豐五年進士熙寧中太子中

舍長于詞翰兼能篆。又一人楊億外弟

### 雲頂山

石間佛足明如玉山外神光散作燈

輿地紀勝

### 毛注

字聖可西安人元豐五年進士大觀中累官侍御史終于左諫議大夫提舉洞霄宮著有奏議文集宋史有傳

### 仙居寺

瀟洒仙居院樓臺烟靄中夜泉清浸月午鐸冷搖風

轉目已成昨累名俱是空一尊林下醉此興與誰同

水簾泉

織水簾珠未是奇舒王留詠奪天機神光已比箕星  
列文焰長依舜日暉一沼蛟龍涎半積兩檐鸞鶴勢  
雙飛名山從此留傳詠自昔因人重發揮

江山縣志

王藻

建安人元豐五年進士

仙壇石

仙人駕鶴上三清壇石空留萬古名夜靜碧天星斗

爛不聞朝禮步虛聲

建寧府志

石龍泉

一脈靈源來已長色濃如醴味甘香石龍動處無塵

染留與仙家作玉漿

建寧府志

劉拯 厲有

破山八詠

元豐元年蘇州常熟縣沙門思莊謁余言曰海  
虞之勝鍾於破山然林泉之勢遊觀之繁無近  
與遠傳之盛矣自倪郴州舍宅爲寺數百年間  
僧人奇士往往間出而人知者願有以發明之  
余因請而詠其可道者俾靈蹤異跡不掩于山

水之勝云

興福寺

峩峩烏目山曾臨貴侯宅重房昔珠翠峻宇煥金碧  
泉激晨霞明松搖暮雲白宜爾山中人日輪自朝夕

文舉塔

圓旨探雙林卮言發南華萬里歸一空誰云正非邪  
門影搖青松曾迴貴侯車猶遺數層塔岌岌凌飛霞

救虎閣

三昧遊深慈結宇依蒼崖猛虎伏巍閣拔箭非忘骸  
窮獸雖覆車危雀猶投懷況我見已忘而彼猶其儕

龍闢澗

白龍鬬巍峯長澗落千尺靈泉應奇蹤高連暮雲碧  
寒影凌滄崖清流動危石八月苗正枯猶能變甘澤  
體如塔

妙理悟三伊巍巍抗奇節千尺巖下松蕭然獨凌雪  
珠影雖青黃月輪豈圓闕危石揚寒泉至今伴清絕  
宗教院

妙義傳天台迷雲淨如掃初終雖五時修短自三草  
結隱非此峯獲藏亦眞寶秋來月正圓獨照松已老  
御賜鐘



大聲扣洪鐘萬里來  
彤庭烏閑棲影重  
星淡雲氣清  
餘響遶巖壑  
林葉如迴驚  
有客發深省  
塵耳非謾傾

中峯

躡徑登高亭  
天遠不敢局  
疎簾捲危簷  
百里在舉目  
江橫縞帶明  
山隱螺髻綠  
啼鳥破長烟  
飛泉漱寒玉  
雲回猛虎嘯  
清風繞巖谷  
颼颼入青松  
古淡琴一曲  
倚欄更凝望  
斜陽上修竹  
欲去還遲遲  
勝槩那可足

琴川志

錢師孟

元豐六年以內殿承制權知融州

眞仙巖二首

巨石何爭此結成老君有像亦難名以身爲患言猶  
在漫使當時分重輕

巖前流水碧潏潏鶴馭翩翩去復還堪笑世人求不

死豈知得道有無間

柳州府志

李程

元豐六年知南城縣政平訟理

題紅泉

一片寒泉下翠巒彩虹飛出亂雲端紅流傳是靈砂

液深處應藏九轉丹

輿地紀勝

郭茂倩

字德榮東平人元豐七年河南府法曹參軍通  
音律善漢隸父源明初名元賡官至職方員外  
知單州軍州事蘇頌誌其墓茂倩著有樂府詩  
集

石橋

石橋庵下少徘徊雪暗松林撥不開坐久無人天向

午雙鳥飛上施生臺

天台  
續集

鍾離景伯

元豐七年通州守

通州地藏牡丹一梗開花五朶

春風榮萬木此卉異常葩海角逢三月僧房見五花  
馨香驚俗眼燦爛照高牙公子休追賞如來會上誇

通州志

張大亨

字嘉父晉川人元豐八年登乙科官至直秘閣  
著有春秋通訓十六卷春秋五禮例宗十卷事  
蹟詳湖州府志文學傳

失題

方寸平田便有餘子孫無復廢耕鋤已將不死爲嘉

種更向無何築隱居

吳興藝文補遺

黃伯厚

福州人元豐八年進士

椒屯墟

喬木村墟十里秋魚鹽微利競蠅頭平坡淺草眠黃  
犢小渚輕波泛白鷗竹外客喧山市散柳陰人醉酒  
旗收清幽彷彿西湖上惆悵歸來獨倚樓

邵武府志

梅蟠

字子升歸善人元豐八年登第授迪功郎多才  
博學鄉人稱曰梅夫子惠之江山多所留題詩

蓋千篇

何仙姑祠

昔聞謝自然今祠何女仙  
昌黎久不作奇事相留傳  
當其始生時紫雲光燭天  
煉服雲母丹紅玉飛瓊烟  
窈窕顏不老霞帔尙翩翩  
琪花露含蕊瑤水月在蓮  
恍若坐深閨眞息長眇綿  
左攜魏夫人右挾夏嬋娟  
不入天台路永同龍漢年

粵詩  
苑逸

登第歸日句

滄海有風鵬翼健青雲得路馬蹄輕

粵詩  
苑逸

虞賓

字舜臣餘姚人元豐八年進士紹聖中宣德郎  
知長洲縣鉏治姦吏一縣屏息崇寧初累官比  
部員外知徽州

秋日陪幕中諸公泛舟虎邱而慈雲已退院  
相期到虎邱出郭始乘舟曠野雲山路平原水國秋  
客心還未喜木葉已先愁那得眞僧在重教石點頭  
虎邱志

朱蒙正

字養源邵武人黃履之甥元豐八年進士調江  
都簿擢都昌令官至司農寺丞

濯纓亭

風浪江頭正激湍，小亭溪上水平寬。  
濯纓不作彈冠想，一曲滄浪釣雪寒。

邵武府志

李熙載

字伯先，德慶州人。元豐八年進士，元符間爲廣南西路計度轉運使，官至朝請大夫。

九里巖

今屬羅定州東安縣

巖穴玲瓏幾度秋，簪峯高插聳鰲頭。  
化人舊有阿羅漢，喜客今逢老比丘。  
石罅日聞甘露滴，山間時見慶雲浮。  
靈巖特爲南鄉設，從此生賢繼不休。



句

一門華忠孝竹帛寫家聲

贈伍仕階  
粵詩蒐逸

許穀

晉安人元豐八年進士紹聖間知龍溪縣

句

一條碧水練鋪地萬疊好山屏倚天

輿地紀勝

許敦仁

仙遊人元豐八年進士

三山閣

蓬萊方丈與瀛州東引長江欲盡頭幾處壇場渾得

道萬家樓閣半封侯名園荔子嘗三熟負郭湖田插  
兩收七百年來遺識事釣臺沙合瑞烟浮

三山志

### 范柔中

字元翼南城人元豐八年進士長於春秋學官  
太學博士元祐間上書言事忤蔡京意被謫崇  
寧中去黨籍賜歸柔中已死紹興初追贈直秘  
書閣

### 麻姑山

風迎曉日碧烟收霜薄風清勝會遊虎駕不來空紫  
府真人應接又瀛洲巖前野草冬猶秀亭下飛泉凍

亦流他日卜鄰深有意竟須平步揖浮邱

江西詩徵

劉正夫

字德初浙江西安人未冠入太學有聲與范致  
虛吳材江嶼號四俊元豐八年進士徽宗時爲  
左司諫官至少宰封康國公

宣妙院上方

水定浮春岫鴉盤落遠林上方鐘送夕隱几興何深

雲間志

薛昂 屬有

題葛竹山

萬竹山中數十家重重杯水遶桑麻飽飧鼓腹成何

事桃李春來任自花

天台別編

太清軒

雨餘山色千螺翠風定湖光一鑑明我是水晶宮裏  
客暫來猶愛此軒清

題回山人畫像

道骨仙風一偉人相逢東老最情親榴皮幻化人間  
世藤葉牢籠物外身璚蟻滿壺方丈曉青蛇銜袖洞  
庭春高名不朽垂千古笑指西鄰幾劫塵

以上東林山志

黃朴

元豐八年以朝散郎通判台州

題玉泉

水性能方圓泉色常瑤壁雲山靜有輝瓊液來無迹  
泉上修禪人曹溪分一滴鑑止更澄源紛紛萬緣息  
張楚民

蜀人俞子元豐中進士

香積山

香山正在岷山麓一派流泉萬竿竹

輿地紀勝

宋詩紀事補遺二十四男侍讀衙內閣中書樹藩校

宋詩紀事補遺卷之二十五

歸安陸心源伯剛父輯

楊庭傑

字子厚眉州人元豐中進士官石鏡令境內稱治累官朝散大夫知巴州軍州事

提刑都講頒賜題古楠寺佳篇伏讀翫味詞旨豪肆感歎戰汗不揆淺拙仰次嚴韻

城南古寺舊林泉使馭觀遊絕頂巔幸綴華軒到清境深慚凡骨逐真仙

是日落後車同遊

不愁落日歸鞍促更

許新詩翠石鐫猶有題名千載後與他巴水字相連

金石苑

後月餘因用前韵

谷隱榎楠澗有泉煙村幽曠遠

缺

難盡雞犬時來亦

恐仙危壁謾

缺

是五丁鑿回歸未出深巖半

下缺

李翔

字仲覽湖北興國人元豐進士博學工吟咏東坡謫黃州每訪之作懷坡閣以寓思慕之意

鑑湖亭

古寺蕭蕭愁思濃檻荷高下望秋風一座不到眞幽處萬象都含清景中但見溪光來遠近畧無雲氣礙

虛空誰知刺史標名意一片靈臺事事通

湖北詩徵傳畧

李彥弼

厲有

同曹聖延遊風洞及七星觀遂成長句三十

韻

文英子建聲華烜少陵嘗詠波瀾闊退流疊疊鍾宜  
春觀君紫芝眞秀拔華山綠耳汗血孫奚取王良手  
口抹駸駸淩厲追遺風胡爲頓纓馳駱越誰嗟長庚  
有寒裔壯齡直欲排紫闥初從附風矯飛翔晚乃射  
虎耽疎豁強顏方喜安斗筭分何能愧圭撮胷中  
琳琅第埃壚自慙鉛鋒乏破割時過西隣斬發藥雷



引玉泉澆肺渴新商執矩早威令甘霖騰虛摧虐魃  
約君飄鳧泛滄漪背負青天無天閼風來空穴襲髮  
毛刷腋涼飈振絺葛冷然便擬列子遊不得別起青  
蘋末徐濟七星趾山椒杓魁敲虛狀旋斡近君白雪  
熱何有高談一激錐囊脫扳肩作者古蹊徑餘事篇  
章隨擊鉢盤趺不減二華君

日月二華君棲霞洞在風洞之北

妙閣

枯砮戰挑指光騶搖蹤莫可留四序翩翩幾箭筈頃  
看金柳流鶯鳴俄聽玉露叢蟬聒清輝默韻無絃琴  
烏用檀槽揮一抹我方騷愁愁到骨潛吮蠹蟬眉目  
綴徒操詩窮擁鼻吟無或酒酣將月喝平生剛腸久

已屈賴爾匹夫難志奪故交紛紛翺赤霄大鈞播物  
昭窮達德尊一代元坎壈儒腐百年決麤糲南溟垂  
翅雲翼收北窗點臥霜鬚捋病馬猶期春草長涸魚  
終需江水活君行趨覲長安日軼興橫秋疇可遏公  
卿傾風定援手鴻造機緘由一撥江湖要作迥相忘  
靜言可笑相濡沫

廣西通志金石

滕甫 厲有

字元發後改字達道以字爲名東陽人元豐中  
尙書禮部侍郎知池州宋史三百三十二有傳

送程給事知越州

又領州麾過故鄉誰憐肝膽異班行  
患銷南海城先具氣壓胡天國  
自強造膝華褒輝黼黻跋朝佳句敵  
琳琅聖君求治如星火休闕新詩萬丈光

會稽掇英集

### 浮雲樓

舉頭便是長安日弄袖時飄夢澤風  
茂苑久拋飛鳥外楚臺遙在碧雲中

輿地紀勝

### 王彥輔

鄖溪人元豐中承議郎巡舉牧馬

過少林輒書四韵兼詒長老慶禾上

天上千巖碧林收曼古春靜中深有境險外絕無鄰

官牒嬰行色禪關脫世塵安心无覓處斷臂爲何人

刻石

王哲

字微之累官知汝州

劉忠肅集

元豐中尙書兵部郎

中集賢校理提點醴泉觀著有孫子注三卷

袁本

郡齋讀書志

送程給事知越州

冰顏黑髮未應衰巨艦高旌使府威瑣闥領藩承暇

去繡衣過郡買臣歸湖山勝迹吟毫健風月良辰宴

學飛金榜弟兄同舍長老年相別重依依

會稽掇英續集

王汾

字彥祖濟州鉅野人禹偁孫元豐中尙書祠部  
郎中充集賢校理知兗州見元祐黨人傳宋史  
附禹偁傳

送程給事知越州

名藩從古任惟良況復深嚴瑣闥郎夕拜更持仙殿  
筆書歸仍綰會稽章詩編豈愧微之富杯酒應嗤賀  
監狂惠政相承今邵杜越人歌頌繼南陽

會稽掇  
英續集

王臨

厲有

宋史三百二十九附王廣淵傳

靈巖

瓶鉢飄然別帝鄉  
法音從此振東方  
黃龍山下傳心印  
白鶴泉邊起道場  
甘露無時皆一味  
旃檀何處不清香  
煩師更唱宗門曲  
兔脚龜毛任展張

靈巖集

王靖

字詹叔大名華人  
旦孫元豐中尚書主客郎中  
權發遣開封府判官公事  
宋史附王素傳

送程給事知越州

蜀道新持使節優  
南昌更命按諸侯  
江山秀入行臺曉  
風月吟餘澤國秋  
寬弛茶租吳俗富  
興醴渠利晉

人謳送將莫訝遲留處浩穰敵喧訟牒稠

會稽掇英續集

王陟臣

字希叔宋州虞城人堯臣從弟見塵史元豐中  
太常博士檢正中書吏房公事

送程給事知越州

出疆直欲請長纓絕域皆知鄭眾名擁節初聞歸禁  
闔懷章非是厭承明淩虛觀閣仙鼇曉倒景湖山鑑  
水清遙想蘭亭多勝集早傳佳句到都城

會稽掇英續集

王韶

字子純江州德安人元豐時仕終知洪州卒謚

襄敏宋史有傳

咏裕老菴前老松

綠皮皴剝玉鱗峒高節分明似古人解與乾坤生氣  
概幾因風雨長精神裝添景物年年別裨闔窮愁日  
日新惟有碧霄雲裏月共君孤坐最相親

復齋漫錄云王公韶少日讀書於廬山東  
裕老菴菴前有老松因賦此詩王荊公爲  
憲江東過而見之大  
加稱賞遂爲知己

程嗣弼

琳子永寧軍博野人以父蔭官國子博士見臨  
川集元豐中尙書虞部郎中管勾西京嵩山崇



福宮

送程給事知越州

華宗晚貴派雖殊別園留詩敘舊娛導水決謀摧宦

者宦官有言欲自滲水塘疏流入禁中以廢透槽爲利久不能議其可否公權判都水一言決之遂罷

尊君抗禮屈單于昨奉使首正坐次虜人甚屈日疏賓閣容談塵

秋過家山好鱸鱸宸眷許來應暮召不須久計戀東

吳會稽吳英續集

章衡

字子平浦城人元豐中三司鹽鐵判官右司諫

直集賢院宋史三百四十七有傳

送程給事知越州

雅留威愛在南昌又拜新恩指舊棠一節帝頒嚴使  
旆十州人喜擁壺漿影纓自結擬旒旒攬轡思澄插  
筆鄉劉晏有材將大用豫章樓上急飛觴

會稽掇英續集

張炎民

元豐中秘書丞充三班院主簿熙寧中知於潛  
縣

送程給事知越州

威名嘗使虜人驚杖節還朝欲請纓三絕文章留麗  
正一麾江海去承明夕闌入對虛青瑣書錦行歸耀

絳旌秋雨尊鱸厨膳美曉風鐃鼓使船輕鑑湖雲水  
關心久蓬閣煙巒炤眼清西省自應論出守未容全  
慰吏民情

會稽掇  
英續集

韓宗古

真定人祖億父絳宋史有傳宗古元豐中大理  
寺丞充館閣校勘判官誥院厯官奉議郎守秘  
書丞見宋本五曹算經銜名

送程給事知越州

東渡吳江景氣清拂雲樓閣會稽城乍辭青瑣雙旌  
擁重駕朱轡駟馬迎應笑買臣夸郡邸還同嚴助厭

承明茂林修竹山陰地何日陪公載酒行

會稽掾  
英續集

孫固

字和父鄭州管城人元豐中龍圖閣直學士右  
諫議大夫權知開封府宋史三百四十一有傳

送程給事知越州

朔南萬里使車馳忽得山陰虎節歸華省班聯青瑣  
貴故鄉心逐白雲飛江風雙槳催紅旆海日層樓倚  
翠微郡事逍遙吟醉裏老年行樂更光輝

東過錢塘第一州郡城高爽五雲浮會稽山碧人多  
秀賀監湖清月正秋偃息鄉邦如志意慰安雅俗自

風流朝廷賢舊方圖任只恐蓬萊得暫留

會稽掇英續集

元耆寧

蘇州人絳子元豐中累官大理評事監京西排

岸館閣校勘

王魏公人

送程給事知越州

請符又作浙東行六郡爭驅紺弩迎環佩聲回堯陛  
遠旌旗光動禹川明山烘橘柚香浮席溪漲菰蒲翠  
徹城人在蓬萊仍畫錦會稽故事兩兼榮

會稽掇英續集

陳一向 厲有

贈靈巖元長老

杖錫池邊六月寒一泓泉鑑漱琅玕直疑夜半天風  
起吹落仙人沆漉盤

證明臺上玉爐烟童子生雲不計年對面飛橋架丹  
壑此中別有一家山

濃嵐滴翠曉氤氲洗我塵襟一二分歸步恠來輕欲  
舉朝衣猶帶北山雲

五花殿角片時間又被紅塵引出山第一山前聊駐  
馬幾聲雞犬吠雲間

靈巖集

陳康民

元豐中大理寺丞充都水監勾當公事

送程給事知越州

五羊城郭一朝新歸作黃扉侍從臣暫向天邊辭禁  
闔更於江外福吾民錦衣上塚鄉山曉熊軾頒條驛  
路春不待期年應報政卽看朝覲對嚴宸

會稽縣  
英續集

陳升之

初名旭字陽叔建州建陽人累官鎮江軍節度  
使同平章事判揚州初附王荊公旣爲相時爲  
小異陽若不與之同者時人謂之筌相宋史三  
百十二有傳

送程給事知越州

早年相契最綢繆垂老江城爲少留  
瀕海新城築金壘瑣闌初遠遠延旒  
過家燕坐多賓樂到郡公餘放吏休  
滿目湖山何處勝蓬萊高閣正清秋

會稽掇英續集

陳輔 厲有

潤州

牛斗東邊窄三吳西角深山能醒客  
酒江會冷人心

句

雲樹天低楚烟汀地失吳

以上輿地紀勝卷七

梁父吟

梁父吟泰山之頂可埋金噫嘻蜀道徒崎嶇南風來



宋詩二五  
十  
舜琴

梁父吟佳人未偶頻傷心  
四時有根秋偏深綠絲空  
滿簪

自題所居

湖水山雲繞縣斜  
茂林修竹野人家  
宿醒過午無八  
問臥聽東風掃落花

安石喪馬爲之設齋作詩戲之

舍識應爲獅子去  
却來重載法王身

以上京口耆舊傳卷三

何正臣

字君表臨江新淦人  
元豐中著作佐郎將作監

主簿宋史三百二十九有傳

送程給事知越州

史君承詔出黃扉急漿翩翩畫鷁飛天上鵷鸞驚暫  
別江邊猿鶴喜頻歸列城將吏瞻戎節夾道鄉人看  
錦衣今古蓬萊足吟詠更留風月待珠璣

立就金城漳海邊從來經制祇茫然一千里候無宵  
警十萬人家自晏眠異域早聞回陣馬將軍從此罷  
樓船功成事往翻然去用捨如公信可賢

曾稽汲  
英積集

陳侗

睦弟字成伯第進士富弼知汝州辟爲從事元

豐中歷官太常丞集賢校理同知太常禮院衛尉少卿知陝湖宣三州

題東老庵

我昔名東老君能老此庵溪風開梵帙巖月伴莊談  
世味閒無着人情晚更諧蕭然塵外意回首謝圖南

東林  
山志

送程給事知越州

夕郎鄉思滿江皋畫錦東歸意氣豪侯國臺門牙戟  
盛使君樓櫓隼旗高瑣窗暮入曾批敕仁殿晨趨罷  
樂臺曲水春風修禊飲臥龍山雨竚秋濤番禹已有

金湯惠秦望應先衮綽褒莫戀蓬萊便棲志伫看拂

拭呂虔刀

會稽掇英續集

崔公度

字伯易高郵人口吃不能劇談而內絕敏元豐  
中光祿寺丞充館閣校勘檢正中書禮房公事

宋史三百五十二有傳

送程給事知越州

江吳士氣久凋摧比見高牙擁詔回其喜識兵伴漢  
相果聞持節過燕臺馳驅中禮戎心服顧眄生威虜  
使猜所惜聖朝恩好重未容儒將盡餘才

朱輜所至藹徽音談笑金城億萬尋計壓南夷厖狡  
穴官崇東省秀儒林過家鼓吹新儀盛拜寵朝廷此  
意深聞說錢唐連得守非公誰慰粵人心

會稽掇  
英續集

齊恢

字熙業蒲陰人元豐中穎王府翊善守太常少  
卿直昭文館宋史三百二十二有傳

送程給事知越州

外臺新命紫泥書牛斗星輝動使車聲訓舊孚千里  
俗權綱今計九年儲羣姦破膽方銷縮列郡承風繫  
慘舒最課行聞著成績入膺華選奉宸居

會稽掇  
英續集

齊謚

字子期厯陽人元豐中提舉廣西常平秘書丞

曾公巖和陳倩韵

天作地藏知幾年公來因得茂林間誰言物外真仙  
境祇接人居近郭山石乳望中蒼玉隊泉源深處臥  
龍閑行看再爲蒼生起乘興從容口遽還

老君巖次劉誼韵

巨石何年此結成老君肖像亦強名以身爲患言猶  
在謾使時人分重輕

巖前流水碧潺潺鶴馭翩翩去弗還堪笑世人求不

死豈知道在有無間

廣口通志金石

陳希伋

字思仲揭陽人元豐間兩冠鄉書元祐六年舉  
經明行修時賜第者三百四十六人希伋爲第  
一後知梅州軍事所著文四百餘篇號揭陽集

鳳棲樓

千載傳聞孰是非高梧修竹晚風微欲知古寺曾棲  
鳳樓殿今無燕雀飛

蘇解

字浩然號支離居士武功人舜元子以蔭爲大

廟齋郎元豐間秘閣校理江東提舉

國清寺

自嗟靈骨久埋淪  
惆悵當年舊事存  
青眼重開蕭寺  
路無人隔院掃松門

大慈寺

身去寥寥無朕迹  
此時誰曾真消息  
黃金靈骨今尙  
存指示世人人不識

天台續集

題石橋

連雲靄翠疊重重  
直下雙溪擁霽虹  
榮辱自分山色  
外利名不到水聲中  
清涼世界隨心現  
方廣樓臺遂



感通願侍千僧共談塵撥開陳障出樊籠

鮮于頔

元豐時人

靈巖

松門十里蒼山曲宮殿參差倚巖腹盤盤一逕入雲  
中又登絕頂最高峯石壁蒼然起秋色遠溪深處時  
聞鐘磴道崎危達巖下幾派清泉在澗瀉月色朦朧  
出遠山忽驚星斗在簷前勸客遊來不知返清光皎  
皎巖霜寒一出禪林復回顧白雲已滿山頭路

靈巖集

熊本

字伯通鄱陽人元豐中尙書刑部員外郎知制誥司農寺卿宋史三百三十四有傳

送程給事知越州

龍節頒新命鸞臺輟侍臣  
詔開都督府寄重老成人  
四紀文章伯三朝富貴身  
指麾清劇部談笑動殊鄰  
麗正裁書久承明厭直頻  
銀黃鄉路畫襦袴屬城春  
冠蓋傾吳會旌旗照海濱  
溪藤閒得句雪舫夜留賓  
夢想依青鎖風流喜紫萼

會稽掇英續集

鍾浚

著作佐郎知涪州樂清縣

魏公

元豐中秘書丞

權知將作監丞公事紹聖元年左朝請郎知湖州是年卒于任

送程給事知越州

過鄉畫錦剖符雄海上蓬萊第一宮自古勝遊矜物  
外于今藩閫壓江東湖山清賞絕塵境風月高吟虛  
訟簡促詔歸來如漢典出分千里入三公

會稽掇英續集

朱素

字履常元豐中瑞安令

與介夫同遊翠陰洞

小洞隱遙岑松蘿翠復陰遊人曾不到不信白雲深

素園金石志

李駒

四川唐安人嘗從司馬溫公於洛當時大老皆喜之父太臨宋史有傳元豐中知洋州綿竹縣見淨德公四年左奉議郎通判達州見雞肋集晁夫人墓誌崇寧二年朝散郎通判秦州見石刻後知洋州

草堂

入門修竹聳琅玕坐久香風拂畫欄春色正濃雙檜靜朝光初上一峯寒

草堂圭峯最爲巉絕

翠縈虛室塵襟闊冷

遍疎窗夜夢殘物外閑心殊未愜殷勤重上白雲端

宿紫閣

石磴溪橋傍翠巒分明深入畫圖間遠饒禪刹疑無

景

南山諸寺惟紫閣爲冠

迥出羣峯別有山

仙掌數尖特在羣峯之外

微雨

欲來雲影亂輕風不斷鳥聲閑嵐光可是清人骨更待中宵一夢還

雨後紫閣晚望

小雨初回作暮寒斷崖壁立夕陽間一襟清興無人語旋拂禪牀臥看山

雲際院

蔽日芳林迷去路被蹊落葉誤行蹤轉巖却見層巒  
出知是仙山第幾重

寺前大頂山  
極爲峭拔

### 長嘯洞

西風壁立蒼崖瘦一水湍流怒浪翻雲外不須求紫  
府祇應此景是桃源

### 宿重雲山寺

漸侵晚景尤便靜不出忙中豈愛閑休問驂騑與鼃  
鼃會須投紱老青山

### 重雲道中海棠

萬點梢頭爛曉霞謾隨閑世鬪春華孤根自是生窮

僻未必輕輸別圃花

宿白雲明日之鄠縣

蔽空穠綠門前路匝地疎苗戶外村甍宿雲房叩虛  
寂紅塵意味不堪論

漢陂

望極空濛清滿懷更尋遺跡步高臺日斜林杪增光  
去風靜山尖倒影來萬頃澄瀾春漲碧一川秀色暝  
陰開坐中自有江湖興未放陂南畫舸回

以上金石萃編

朱肱

元豐中尚書兵部郎中判三司憑由理欠司

送程給事知越州

四官江左皆才選去愛存懷率在民使者今持丹鳳  
詔使君新駕兩朱輪舊時再訪鍾陵草和氣重舒澤  
國春解橐莫爲遲久計甘泉延閣待名臣

會稽掇  
英續集

周邦彥

厲有

僊杏山

僊人藥光明衣獨種杏碧山如種玉春風裂石鳳收  
花赤頰離離照山谷鄉雲承日作陰潤猛虎守山防  
採斲高莫筐篚入時貢拜望通明薦新熟珠旒領首  
一破顏氣壓蟠桃羞若木自從移植近星榆山水無



光靈鬼哭長松枯倒流液盡摧頽牽藤多撲揪我思  
百年訪靈異羽褐雖存言語俗本非民土宰官身欲  
斷人間烟火穀行尋幽洞覓丹砂倘見臞仙騎白鹿  
便應執帚洗仙壇不用纖纖掃塵竹

景定建  
康志

贈常熟賀公叔隱士

懷珠崖不枯韞玉山有輝隱翳不言德人自知神奇  
公叔季真後不爲世網縻浮沈里閭間身晦道同肥  
弓旌搜俊良圭衡畧無遺難偕集雍鷺寧作曳尾龜  
慈仁蓋天性惠澤施鰥嫠困食流冗死葬病有醫  
人今泣遺愛若見峴首碑肯構有材子修德亦庶幾

高風自茲顯豈病知者希

琴川志

杜叔元

字君懿四川成都人累官宣州通判元豐中尚書都官郎中善書學李建中法見東坡集梅宛陵△太平府志流寓杜侯傳

送程給事知越州

朝開劍外夙行輶夕喜江西改命優已有才名喧北省又宣風化入南州一城民吏迎前牧滿眼山川是舊遊君富機籌足餘暇清吟不負物華樓

會稽掇英續集

林處

處字德祖福建福清人幼穎悟元豐中試太學  
第一連黜于禮部紹聖四年始登進士教授常  
州遷揚州擢河北西路提舉學事除開封府左  
司錄時府尹以佞倖進遂納祿去歸隱大雲境  
號大雲翁著有大雲集西漢詔令

虎邱

我公道德祖東邱志小全吳見此游遠意最稱包萬  
里佳名直欲付千秋眷憐今日踰文獻友愛終身負  
道州扶病強隨都騎去回腸百折伴江流

虎邱志

宋詩紀事補遺二十五男侍讀衙內閣中書樹藩校